

旨脩墳合用物料上司估定價值分派該管州縣支給官錢買辦送墳交納中間多被攬買攬賣之人通同收料人等他處買求刁蹬不堪如緣一根值銀一錢多要四分蘆蓆一束值銀三分多要一錢比原定官價不勾十分之二三其餘物料率多類此每州縣陪一二百兩者有之四五百兩者有之此奸弊之臣遠處京師實所不知經歲不完逼民逃竄合無今後計笑每墳物料用銀若干匠作工價用銀若干交付本主自行買用如果家下無人就令本處掌印正官公差委進士收價量撥隣近人夫領買脩理庶事得易成民財不至妄費矣

採燒柴炭丹送納違限問罪例

天順八年十二月十六日後軍都督府掌府事太保會昌候孫討宗題為供應柴炭事該借薪司遞出印信揭帖照得工部及後軍督府歲辦柴炭自天順七年十二月以前拖欠未完已蒙

恩宥盡行蠲免天順八年該辦之數又蒙

詔書量減一半今本司見在柴炭數少誠恐供給不敷其成化元年分供給柴炭合無將天順七年分

奏

准派辦之數着該工部後軍都督府應採納追納來用庶不失誤應用緣係坐派年例柴炭等項事例未敢擅便開坐具題天順八年十二月初三

日本司正吳 等於左順門裏奏奉

聖旨是欽此 欽遵揭帖開教到府欽照上午事例將楊木  
長柴三万斤照舊行仰萬全都司派屬採辦  
柴炭荆條分派山西大寧二都司并直隸通  
州左等衛所差撥軍餘各委的當官員管領  
於臺有山場採燒完備送府轉送交納芦蒿  
本府蓄場內出辦及照在京大寧前等衛該  
辦柴炭照例於各衛量撥軍餘委正千戶即  
春等官管領前去薊州等處無碍山場採燒  
運納俱係上年見行事例令照天順八年分  
柴炭已蒙

詔書遵節量減五分各該都司所官吏不知感激視常延  
誤至今年終尚未完納今該惜薪司奏

准派辦慮恐所屬視如泛常不即督辦納致悞供應員

本府官吏未便臣等議若立與限期催促又

恐軍士採運艱難合無自成化元年為始將  
採納柴炭分派各屬照舊起時採燒不拘春  
夏時月送納俱限本年八月中以裏到府轉  
送該衙門交如是違限不到將當該首領官

吏委官叅

奏轉行巡按各處監察御史就彼提問其到府柴炭隨  
即送納仍限一月內取獲長單回府備照如  
是過期一二十日者本府量情責罰如過一  
月之上將原納柴炭人員轉行法司問罪如  
此庶得柴炭易完公務無滯緣係差撥官軍  
採燒柴炭定限完納事例未敢擅便具題奉



聖旨是欽此

申明採燒柴炭夫甲包攬刁撥之徒告  
管工官送該廠查勘例

成化三年十一月十八日工部尚書王 等  
題為公務事通政使司右叅議王 題<sub>臣</sub>近

命差往易州

山厥總理柴炭看得本廠事務浩繁奸弊多

端前項柴炭係供應重務不可一日缺乏若

不設法處治深為未便謹以利所當興害所

當除者條陳一二上瀆

聖聽如蒙乞

勅該部詳議施行庶俾官民知所遵守豪橫有所警懼事

體歸一而供應不誤等因具題該通政使司

官於

奉天門奏奉